

Հարմարագույնը Թթու ջրինն է (Лысогорский перевал) — 2 040 մ, որով խճուղին Ստեփանակերտ-Շուշուց ուղղվում է Գորիս:

Կուր և Արաքս գետերի ստորին հոսանքների տափաստաններից մուտքը դեպի Զանգեզուր ավելի ազատ է Դիզափայտի (Զիարաթի) դարավանդներից որևէ մեկով, մանավանդ այնտեղով, որտեղով այժմ էլ Դիզակի (Զիբբայի) կողմերից Շահիյոլ կոչվող ճանապարհով տափաստանների սարվորները իրենց անասուններով բարձրանում են Ղարաբաղի հրաբխային բարձրավանդակի ամառային ճոխ և փարթամ արոտավայրերը: Այս ճանապարհը հնուց կապում էր Զանգեզուրը Միլի դաշտով Շիրվանի և Բաքվի հետ և դուրս էր բերում Կասպից դոնով կամ Ճորա պահակով (Դերբենդի անցքով) հյուսիս, դեպի ռուսական հարթության հարավային տափաստանները: Ճորա պահակով Անդրկովկաս էին թափանցում հյուսիսից կիմմերները, սկյութացիք և այլ ազգեր մեր թվականությունից առաջ, իսկ ավելի ուշ՝ մանավանդ հոները: Այդ մարդկային հեղեղների առջև Շահիյոլ ճանապարհով բացվում էր մուտքը դեպի Զանգեզուր:

Եթե Սյունիքի պատմագիրը՝ Ստեփաննոս Օրբելյանը², հետևելով ավանդությանը, վկայում է, թե Վաղուրշակ առաջին Արշակունի թագավորի կարգադրությամբ Սիսակի ցեղին էր հանձնված «ընդդէմ կալ հանապազ պատերազմաւ դրանն Հոնաց»: Այդ բանը շատ հասկանալի է, քանի որ Սիսականի (Սյունիքի) տերը, պահպանելով Ճորա պահակը՝ դրանով պահպանած էր լինում նաև իր տոհմական կալվածքները, մասնավորապես Շահիյոլ ճանապարհը: Հավանական է, որ հենց այդ ճանապարհով են ներխուժել մոնղոլական ցեղերը Մուղանի դաշտում հաստատվելուց հետո: Այս դարավանդով է վերադարձել էջմիածին Աբրահամ Կրետացի կաթողիկոսը Մուղանի դաշտից, նա դիր-շահի սուրն օրհնելուց հետո, դեպի Խնձորեսկ³ Տաթևով և Մեղրիով Արարատյան դաշտը հասնելու համար:

Դիզափայտի (Զիարաթի) դարավանդների և Շահիյոլի ճանապարհի երկու կողմերումն է, որ տեղավորված են այժմ ագրեջանական բնակչություն ունեցող գյուղերը, որոնք ներառնված են Ագրեջանի հանրապետության սահմանների մեջ: Հայերը տեղավորված են Զանգեզուրի եռանկյունու վրա, Զանգեզուրի-Կոնգուր-Ալանգյազի լեռնաշղթայի և նրա լեռնաբազուկների հովիտներում, որտեղ Մեղրի (Զավնդուրի կամ Արեգունու-Մեղրի-Գյունեյի) լեռնաբազուկը՝ հեռանալով Կապ սարի (Ղափլանդաղ կամ Ալի-Զինգիլ) զաղաթից դեպի արևելք, առանձնացնում է Մեղրու գավառակը Կապանից և Սիսանից: Բուն Զանգեզուրից: Հյուսիսային հատվածի այս գավառակներում ձևավորվել է մի այլ լեզվական ազգագրական միասնություն, որը թեև բաղմաթիվ նմանություններ ունի Ղարաբաղյան աշխարհի հետ, բայց ունի նաև շատ որոշակի տարբերություններ⁴: Ներկա աշխատությունն առանձնապես կանգ կառնի այդ տարբերությունների վրա:

² Օրբելյան Ստ., անդ. գլ. Գ, էջ 16:

³ Աբրահամ Կրետացի, Պատմագրություն անցիցն իւրոց և Նադր-Շահին պարսից, Վաղարշապատ, 1820, գլ. ԽԷ:

⁴ Զոկական շրջանի ազգագրական նկարագրությունը պիտի դառնա մեր մի այլ ուսումնասիրության նյութ, իսկ լեռնային Ղարաբաղի հայերի ազգագրությունը վերաբերյալ նյութերն ամփոփել եմ մի այլ աշխատության մեջ (ռուսերեն ձևագիր՝ Армяне Нагорного Карабаха): Զոկերի մասին գրել հեղինակին չի հաջողվել (Ծան. խմբ.):